



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

**Dirckinck, Johann**

**Coloniae Agrippinae, 1713**

Dedicatio, Oblatio, Atque intentio Authoris.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)



DEDICATIO, OBLATIO,  
Atque intentio Authoris.

DEO ÆTERNO,

Regi sæculorum immortalis,  
Infinito rerum omnium  
principio ac fini.

**Æ**ternitatis nunquam inchoa-  
tæ, nunquam finiendæ, nec  
ullis sæculorum myriadibus exhau-  
riendæ, Imperator immortalis,  
Rex & lex, forma & norma, fons  
& mensura omnis temporis & æ-  
ternitatis. Ego famulus tuus un-  
dequaque indignissimus, coram  
throno sempiternæ Majestatis tuæ,  
humillimè prostratus, quàm pos-  
sum dimississimè, Tibi dedico, of-  
fero,

## DEDICATIO.

fero, confecro, exiguum hoc de æternitate opusculum, omnesque ejus paginas, lineas, verba, grammata, & apices, in totidem animi grati, & amoris mei perpetui pignora & monumenta.

I. Præcipuè verò, dedico, offero & confecro tibi, omnem in eo adhibitum laborem, ad sanctissimum divinæ voluntatis tuæ beneplacitum; ad gaudium dulcissimi cordis tui; ad gustum & odorem suavitatis tuæ; ad maximum honorem, laudem, gloriam, adorationem, benedictionem, & patriæ cultum, tam in Ecclesia militante, quàm triumphante in æternum, sacrosanctæ Trinitatis tuæ. Atque ut intentiones hæc meæ, tibi gratiores accidant; eas unio, intentionibus, affectibusque purissimis, perfectissimis, sublimissimis, extensissimis, intensissimis, & insatiabilissimis,

## DEDICATIO.

mis, Angelicis, Cherubicis, Seraphicis, Marianis, Theandricis ac Divinis; ut hâc ratione cunctarum, vitæ meæ septuagenariæ, intentionum defectus, aliquo modo suppleam atque compensem.

II. Deinde laborem hunc exiguum, unâ cum omnibus vitæ meæ ad metum decurrentis fatigationibus & ærumnis; cum JESU, MARIÆ & Sanctorum omnium laboribus ac sudoribus pretiosissimis dedico, offero & consecro liberalitati tuæ ac Bonitati infinitæ, in gratiarum actionem debitam, pro innumerabilibus, & ineffabilibus beneficiis, donis, favoribus & gratiis, septuaginta annorum spatio, mihi licet indignissimo, præstitis; atque in omni vita reliqua, totâque æternitate, ut confido, præstandis.

Quis autem ea omnia ac singula vel cogitando, ne dicam enarrando,

do,

## DEDICATIO.

do, assequi valeat? Non enim solum, Conditor meus, creasti me, conservasti, & sustentasti me; *Verum etiam* ( loquor cum S. Augustino ) *de multis & magnis periculis saepe liberasti me; quando erravi, in viam reduxisti me; quando ignoravi, docuisti me; quando peccavi, corripuisti me; quando tristis fui, consolatus es me; quando desperavi, confortasti me; quando cecidi, erexisti me; quando steti, tenuisti me; quando ivi deduxisti me; quando veni, suscepisti me; quando dormivi, custodisti me; quando clama- vi, exaudisti me. Soliloq. c. 13.*

*Si quid unquam boni habui, à te recepi; si quando steti, per te steti; si quando cecidi, per me cecidi; & semper in luto jacuissem, nisi tu me erexisses; semper cecus fuisset, nisi tu me illuminas- ses; quando cecidi, nunquam surre- xissem, nisi tu mihi manum porrexis- ses; postquam etiam me erexisti, sem-*

## DEDICATIO.

per cecidissem, nisi tu me sustinuisses,  
sepius perissem, nisi tu me guber-  
nasses.

Sic semper, Domine, sic semper gra-  
tia tua & misericordia tua praeveni-  
me, liberans me ab omnibus malis, sal-  
vans à praeiudiciis, suscitans à prae-  
sentiis, muniens à futuris: praecedens  
etiam ante me, laqueos peccatorum;  
tollens occasiones & causas; quia nisi  
tu hoc fecisses, ego omnia peccata mun-  
di fecissem. Quoniam scio, Domine,  
quòd nullum peccatum est, quod un-  
quam fecerit homo, quod non possit fa-  
cere alter homo, si Creator desit, à quo  
factus est homo. Sed quod non face-  
rem, tu fecisti; quod abstinerem tu ius-  
sisti; & quod tibi crederem, gratiam  
tu infudisti. S. Aug. Solil. c. 15.

Quare, Confitear tibi beneficia  
tua magna: quoniam eripuisti me de  
inferno inferiori semel & secundo &  
tertio & centies & millies, & ego sem-  
per

## DEDICATIO.

per ad infernum tendebam, & tu me  
semper reducebas, & justè millies  
damnasses me, si voluisses. Noluiſti,  
quia amas animas. & dissimulas pecca-  
ta hominum, propter pœnitentiam.  
S. Aug. solil. c. 18.

Taceo, alia innumera, ingentia  
bona ac dona, à charitate & bene-  
ficentia tua, in me immeritum pro-  
fecta: qualia sunt bona animæ &  
corporis, bona naturæ & gratiæ;  
bona communia mihi cum omni-  
bus, communia cum multis, com-  
munia cum paucis, & mihi pro-  
pria: bona data mihi à te, sine me;  
data mihi mecum, seu me coope-  
rante; data mihi per alios, data mi-  
hi propter alios, data mihi supra  
alios: data aliis propter me, data  
aliis per me; data aliis in me: bona  
inquam omnia, præterita præsen-  
tia & futura, temporalia & æterna.  
Pro quibus, cùm gratiis referendis  
impar

## DEDICATIO.

Impar sim: laudes & misericordia  
Domini in æternum cantabo, Psal  
88. 2.

III. Ulteriùs dedico, offero, &  
consecro, tenuem hanc opellam  
meam, sanctitati & puritati, iustitia  
& misericordiæ tuæ æternæ; in re-  
missionem, abolitionem, satisfac-  
tionem & compensationem, om-  
nium peccatorum, defectuum, er-  
rorum, negligentiarum, & imper-  
fectionum mearum; in omni vita  
mea septuagenaria, commissarum:  
propter quæ confundor & eru-  
besco, coram te, timeo, gemo, ac  
doleo. Tu, Domine, nosti omnia  
& singula delicta mea, gravia & le-  
via, propria & aliena; cordis, oris  
& operis; commissionis & omisso-  
nis; languoris & tepiditatis; incon-  
stantiæ & mutabilitatis; præcipi-  
tantiæ & inconsiderationis; dila-  
tionis & procrastinationis; curiosi-  
tatis



## DEDICATIO.

dia. tatis & distractionis ; delectatio-  
Psal nis & sensualitatis ; acerbitatis & a-  
maritudinis ; affectationis & hypo-  
o, & erisis ; excusationis & mei justifica-  
lam tionis ; confusionis & inordinatio-  
nitia nis ; humani respectûs & timoris,  
a re amoris proprii & vanitatis ; ac de-  
sfa- mum omnigenæ concupiscentiæ  
om- alterationis & passionis ; quibus  
er- pœnas commerui , tum ignis pur-  
per- gantis , tum perpetuæ damnatio-  
vita nis. Pro his igitur , magnis & par-  
um: vis, notis & ignotis , peccatis meis,  
ru- sempiternæ Deus , laborem hunc  
ac meum , meritis Redemptoris mei,  
nia Beatissimæ Virginis Mariæ , omni-  
le- umque Sanctorum unitum , cle-  
oris mentissimè acceptare , non de-  
tio- digneris.

IV. Denique si quid ab immen-  
pi- sa benignitate ac liberalitate tua,  
ula- flagitare liceat ; offero , dedico, ac  
si- confesco hoc opusculum meum  
atis  
exi-

## DEDICATIO.

exiguum & imperfectum, ad imper-  
trandum, quàm maximum, omni-  
um id lectorum fructum. Uti-  
nam, Deus æterne, opus de æter-  
nitate excellentissimum, numeris-  
que omnibus absolutum, concin-  
nare, ac tibi offerre valerem; quod  
oblivionem æternitatis, & negle-  
ctum considerationis ejus, univer-  
so ferè mundo, & cuivis hominum  
statui communem, eliminaret, ac  
memoriam, cognitionem, timo-  
rem & amorem æternitatis, omni-  
um cordibus, quàm profundissimè  
inculperet! Verùm cum id virium  
mearum tenuitatem superet; Ma-  
jestatem tuam divinam, supplex  
rogo; ut omnipotentia & energia  
tua infinita ( quæ ineptis æquè ac  
aptis instrumentis magna valet pa-  
trare ) defectum meum supplere  
dignetur, atque efficere; ut & ego,  
& quotquot hunc libellum, sive  
Eccle-

## DEDICATIO.

pe. Ecclesiastici, five Religiosi, five  
ni. mundani, legerint; ex ejus lectio-  
ti. ne, & consideratione; ita tangan-  
ter. tur, moveantur, & compungan-  
ris. tur; ut vitæ hujus, mundi, & bono-  
cin. rum ejus cordibus eorum detega-  
nod. tur, pateat, & vilescat, vanitas, in-  
gle. anitas, brevitatis; profundè verò iis  
er. inscribatur, rerum æternarum æ-  
um. terna æternitas, soliditas, digni-  
ac. tas, stabilitas & infinitas. Atque ita  
no. deinceps uni æternitati vivant, æ-  
ni. ternitati studeant, æternitati labo-  
mè. rent; atque ad Domum æternita-  
um. tis brevi ingrediendam, omni possi-  
a. bili curâ ac diligentia se præparent:  
ex. ut, finita brevi vitæ hujus periodo,  
gia. eam ingredi, & in ea Deum verum  
ac. ac vivum, æternum & infinitum,  
a. videre, amare, & possidere me-  
re. reantur *in æternum & ultra.*

o, Suscipe igitur, æterne Deus, hoc  
ve. munusculum, hæc vota ac deside-  
le. ria

## DEDICATIO.

ria mea ; atque ut secundum voluntatem tuam sanctam impleantur, annue ; efficacibusque gratiarum auxiliis assiste. Sic per merita Filii tui, per merita & intercessionem pretiosissimæ Parentis ejus omniumque Sanctorum, supplex & enixè rogat, optat, sperat ac desiderat

Sempiternæ, immensæ, infinitæ,  
summæ & adorandæ Majestatis tuæ

Famulus minimus, indignissimus  
obstrictissimus & ex asse totus.  
JOANNES DIRCKINCK.

PARS